

55

HARVARD COLLEGE LIBRARY  
FROM THE  
HARVARD - YENCHING  
INSTITUTE

APR 29 1930

~~Ch L 3203,88~~

Ch L 3203 / 3142 / 88

7  
4

張守字子固晉陵人舉進士再中詞學兼茂科歷監察御史高宗駐蹕維揚上防淮渡江六事事惟執政意遣撫諭京城還奏金人必來願蚤爲備知福州止築城之議時諸將皆以獻俘爲功守言西河山東民皆陛下赤子驅迫以來宜貸使歸願畱者聽又請蠲閩民貸常平緡錢十五萬召拜叅知政事徙知紹興府建康謀帥上曰建康重地大臣有德望者惟張守可至鎮卒諡文靖孫抑戶部侍郎

周葵字立義宜興人宣和六年進士高宗駐蹕臨安擢監察御史徙殿中侍御史在職僅兩月言事至三十章後以忤秦檜落職檜死起知紹興府孝宗卽位除兵部

江南通志 卷一百四十三  
右侍郎手詔問錢穀出入葵言人主不宜留心細故必  
有小人導之蓋指龍大淵曾覲也孝宗色動拜叅知政  
事同知樞密院卒謚簡惠有文集奏議

喻樗字子才自祥符徙家無錫少慕伊洛之學從楊時  
游舉進士以趙鼎薦授祕書省正字力言和議之非忤  
秦檜出判衡州致仕檜死起太宗正丞歷擢浙東提舉  
常平以治績聞樗有人倫鑒張九成沈晦樊光遠輩未  
第時俱以第一人期之後果然有易義四書性理講解  
學者稱玉泉先生

尤袤字延之無錫人舉進士爲泰興令修築舊城金兵  
入揚州獨泰興以有城得全民爲立生祠遷著作郎以

言事出守台州築城捍水除江東提舉常平值歲旱單  
車行部覈一路常平米通有無以賑貸又推行朱熹荒  
政於諸郡除太常少卿兼直學士院高宗恤禮廟號皆  
袤討定光宗卽位奏願謹初戒始召除給事中繳還內  
除勅令擢禮部尚書力勸帝孝事重華宮袤少從喻樗  
游得程頤之傳方乾道淳熙間道學爲人所忌袤在掖  
垣首言道學有益於治道孝宗然之卒謚文簡有遂初  
文集孫焞禮部尚書

蔣芾字子禮之奇曾孫舉紹興中進士第二人授建康  
理官孝宗卽位擢起居郎首奏加意邊防歷遷叅知政  
事同知國用請停招兵以足食爲籌邊志上之拜右僕

射同平章事上銳意恢復力陳天時人事未可忤旨罷政

李祥字元德無錫人隆興元年進士歷提舉淮東淮西運判兩淮錢不定祥奏請更鑄紹興新錢從之遷國子祭酒丞相趙汝愚去國祥上疏力爭公論藉以立卒諡肅簡

邱密字宗卿江陰軍人隆興進士為建康府幕官以丞相虞允文薦召對言恢復之志不可忘恢復之事未易舉出知秀州華亭捍海堰廢潮歲壞田蘇湖皆被害奏築三月堰成馮鹵復為良田累擢四川安撫使吳挺死密乞選他將代之遂革世將之患後挺子曦復為蜀帥

遂叛人服密先見遷刑部尚書江淮宣撫使金兵入淮或勸密棄廬和守江密曰棄淮則與敵共長江之險矣吾當與淮南俱存亡拜同知樞密院事卒諡忠定

葛邲字楚輔江陰人舉進士歷正言遷給事中外戚濫恩除官邲皆繳奏不行紹熙初拜左丞相專守祖宗法度薦進人物卒諡文定配享光宗廟

蔣重珍字良貴無錫人少從尤袤學嘉定十六年進士第一簽判建康軍首以本心外物二者界限為言差通判鎮江府會火災應詔陳言上讀之感動端平初入對請召用真德秀魏了翁時議出師關洛重珍力爭不聽遂自劾後以守刑部侍郎致仕卒諡忠文

吳懋字禹功晉陵人崇寧進士調當塗縣主簿歲饑官出粟糶民全集他吏監者多擾亂蹂踐懋以灰布地疎其行列人無譁者決更十數令不決之訟入爲吏部員外郎責王時雍於政事堂至欲以笏擊之後知明州輯兵民著功效

耿秉字直之江陰人紹興中進士律已清方所至以利民爲事兩爲浙漕始以江陰軍認納和買絹疋不堪請以酒息輸代繼奏本路數邑版賦重請蠲減得減萬數又申請役法六事至今遵用歷官煥章閣待制

蔡戡字定夫晉陵人登乾道間甲科持節五年所部十四郡歲以礦銀爲病戡出羨代輸民甚德之擢河南憲使折李昂霄之亂於方萌寧宗朝爲京尹歲勞糴艱戡請發倉粟佐胄相請老

丁逢字端叔晉陵人乾道間進士金使來賀生辰怙強驕黠逢曰示弱何以爲國上書乞上方劍斬之上批付宰相此人才氣可用令安豐盱眙二縣皆有殊績除川秦茶馬使屏供張修馬政累官寶謨閣待制

強翊字君翔晉陵人元豐五年除金壇簿章惇少與翊善翊漸覺惇傾險心惡之惇居潤時翊任屬邑惇問慰殷至而翊未嘗通一書及惇以宰相起翊自若也尋引年致仕

元陸垕字仁重江陰人以孝友聞至元間丞相伯顏兵南

下屋時未冠直入軍門論議有合兵不入境奏授同知  
徽州路總管府事累遷浙西廉訪使抑豪強誅貪墨奏  
免儒役及舉行助役法乞終養歸卒諡莊簡

陳文杰字漢卿武進人以薦授慶元儒學正浙東帥重  
其名遣二子就學二子挾貴胄無弟子禮羣蒼頭日臂  
鷹鷂躡學舍文杰呵之扑教二子奪鷹縱之復具以白  
帥帥益悚敬尋辟為掾累擢東流尹

**明**毛節字伯尚武進人洪武時以三老奏事入京題詩金  
山寺上遊幸見之大稱賞即授御史巡按江西出行部  
毀淫祠鋤強暴一境以寧

王思明字克明武進人洪武初以薦召侍燕邸以所校  
綱目及大學衍義獻卒諡康懿

朱顥字德觀靖江人洪武初以才行舉為臨江守報最  
擢吏部侍郎

錢本中字德文武進人洪武中以薦知吉水縣單騎入  
山谷中撫降亂民之嘯聚者凡數萬人後以事免父老  
奔走乞留學士胡廣薦之復任吉水民間木中來空閣  
井迎拜卒於官民哀慕留葬其地歲時奠祭之

吳肇無錫人洪武間以耆老拜御史建文中諫削奪親  
藩太驟又力言李景隆不可用丁父憂歸聞靖難兵入  
都痛哭幾絕隱孟墅以醫養母時靖江朱杲以薦歷秦  
府長史文皇繼統堅乞歸田有雪江集

江蘇通志 卷之三  
胡濙字源潔武進人建文二年進士授給事中成祖卽位疑建文帝尚在遣濙徧巡天下遷禮部侍郎仁宗時陳十事並嘉納之轉國子祭酒宣德初進禮部尚書正統時奏汰法王以下番僧千餘人景泰中進太子少傅加太子太師英宗復位乞歸卒年八十九贈太保諡忠安濙喜怒不形人稱其德量歷事六帝十知貢舉  
殷序字序賓無錫人永樂甲申進士歷四川布政使北京初建採木於蜀序督役有法宣德中平茂州賊有功轉雲南致仕卒

段民字時舉武進人永樂甲申進士官刑部郎以平恕稱爲山東叅政時妖婦唐賽兒遁大索天下出家婦女民力爲矜宥人情始安車駕北征轉餉出塞費省事給擢刑部侍郎卒諡襄介子實端介有父風累官福建叅政曾孫金官戶部主事有廉聲

嚴本字志道江陰人永樂中以薦授刑部主事從尚書宋禮採木於蜀遇烏蒙蠻持兵猝至本諭以朝廷威德皆懼伏散去遷大理寺正前後皆歷法官平反冤獄甚衆

倪敬字汝敬無錫人祖父峻洪武時鄉舉官給事中諫文皇佞佛忤旨出使古城剛正不撓敬正統戊辰進士授御史出按山西戍將侵餉者悉治之再按福建時議開銀礦抗疏得寢景泰間陳敬天修德六事謫宜山縣

典史天順初知祥符縣從安遠侯柳溥西征師旋道卒  
楊璿字叔璣無錫人五世同居正統己未進士累官副  
都御史歷秦晉楚豫及撫畿內皆著聲績

王謙字益夫武進人官中書舍人因災異奏疏剴切景  
泰初以太常卿出守夔州治行爲蜀最夔人畫像祀之  
杜宥字叔寬江陰人景泰甲戌進士擢御史以災異直  
言謫典史遷英德知縣時鄰境多寇宥創立縣城賊至  
死守圍不解夜縋士焚其營賊驚潰去移韶州通判歸  
盛顥字時望無錫人景泰辛未進士天順時以劾石亨  
曹吉祥由御史謫知束鹿縣立九則法以均徭役訟者  
片言折之民謠曰束鹿令錫山盛清如水明如鏡郊外

有隙地爭來築室居之遂成市號清官店累擢都御史  
巡撫山東境內旱饑顥大修荒政民賴以濟

趙啟字叔成武進人景泰甲戌進士授御史因言事謫  
官尋召還成化初首訟于謙等冤出按江西歲旱奏免  
逋糧二百六十餘萬貸鹽鈔二載免漕運一年秩滿卽  
擢江西按察使以忤權貴罷

劉本道江陰人由掾吏從靖遠伯王驥征雲南累官戶  
部侍郎總督糧儲先是漕運京糧陸運四十餘里本道  
建議令京軍歇操餘月運糧至京而漕運之糧止通州  
交納歲省羨耗五十餘萬石時同邑徐晞亦由掾吏起  
家歷官至兵部尚書以德量稱



徐溥字時用宜興人景泰甲戌廷試第二人授編修歷  
吏部侍郎弘治初拜文淵閣大學士以目眚乞歸卒諡  
文靖溥性凝重為首輔承劉吉恣睢之後鎮以安靜務  
守成法事有不可輒疏爭之時稱名相嘗再廬墓置義  
田以贍族人所著有謙齋集

王慎字廷貴武進人忠子也景泰辛未賜進士第三人  
為南京祭酒修舉教法士風丕變累官吏部尚書為人  
言動不苟以孝友稱憫兄子澄之孤移其廕廕之嘗購  
得楊氏別業其先塋在焉將徙之慎不可為闕其垣使  
祭掃子沂字希曾成化乙未進士卒官副都御史事父  
至孝中裙廁踰身自浣滌雖貴顯賓至侍立無倦所得

恩蔭以讓其姪

白昂字廷儀武進人天順丁丑進士歷給事中累擢兵  
部侍郎河決武原昂奉勅往治有功進刑部尚書詔修  
問刑條例昂列定百餘事內行謹飭痛弟蚤世移蔭其  
子立義學以教宗人卒諡康敏子圻由進士歷官右副  
都御史總督南京倉儲所莅皆著政績

吳淵字本深武進人天順丁丑進士歷守福州多雪冤  
獄逋租萬數勸諭有方民不擾而公賦足同邑毛瑄以  
舉人歷泉州守有清節

秦夔字廷韶無錫人天順庚辰進士守武昌治行為湖  
廣第一累官江西布政所至惠澤及人既去皆立祠祀

焉父歿夔年六十餘哀毀感疾卒子銳字國英執喪廬  
墓建祖祠設祭田

薛爲學字志淵武進人成化丙戌進士授監察御史遇事敢言掌法司章疏有能名安撫荆襄流民宣布威德衆賴輯寧旣沒民立祠祀之

陸簡字廉伯武進人成化丙戌廷試第三人授編修預修宋元綱目累擢詹事兩典會試號得人卒於官簡學問該博識度超遠有龍臯集

華山字仁甫無錫人成化乙未進士知許州有貴家子犯法當死監司欲曲全之山力爭卒抵於法有好民以地獻鈞州徽王府山執不與入爲部曹擢湖廣右叅議

賑鄖陽饑築房山城政績尤偉

周膺字克禮武進人成化戊戌進士知萬載縣以剛直忤郡守調永春剖決疑獄人服其神遷太僕丞卒時無錫張遜由舉人歷涿州守亦以善決疑獄稱

陳周字文美無錫人成化辛丑進士授戶部主事議開引鹽商人賄司徒以請周曰引故欲開不當以賄力持不可出爲河南叅政周王侵民田周判還民行部得穴金檄令償汝民逋租民爲建却金亭時武進蔣容江陰邵經俱以進士先後守潞州力繩藩藩之不法爲王所奏徵下獄後釋歸

莫驄字日良無錫人成化甲辰進士授工部主事管濟

寧牖旁有月河歲決爲患驄改壩建石牖歲省費數萬  
終兵部郎有頤齋集時同邑繆昌亦以進士官工部主  
事奉勅勘勢家地還民終四川布政使

張愷字元之無錫人成化甲辰進士知東平州時大璫  
李興治水張秋所至笞辱長吏以要貨賄獨愷徒手謁  
之璫知其廉無所問擢守黎平戢軍惠民諸苗感化見  
黜於逆瑾誅陞福建鹽運使以疾歸行李蕭然生平  
未嘗一介取人居家三十年未嘗一入公府盜嘗夜入  
其室發篋空無所得嗟嘆去

吳儼字克溫宜興人成化丁未進士選庶吉士屢遷侍  
講學士掌南京翰林院以忤劉瑾被斥瑾誅復官累擢

禮部尚書武宗北巡抗疏極諫卒諡文肅從弟仕由  
士歷督晉閩粵豫學政校士精審仕孫士貞令上虞有  
聲歷禮科給事中

王珀字廷瑞武進人成化丁未進士授御史巡南城以  
忤中涓貴戚謫官遷南雄知府善治疑獄郡有權場前  
守率以墨敗珀錙銖無私

華津字濟之無錫人成化丁未進士授松滋令以卓異  
擢刑部主事遇疑獄反覆叅鞫盡求生之道改戶部嘗  
監通州倉有怙內監勢請事者峻拒之歷廣平知府太  
僕丞欲收養馬民免地稅錢十之五津憫民久困養馬  
之累遂自巡撫寢其事遷山西叅議卒

江南通志 卷四十三  
胡華字惟峻武進人成化丁未進士授御史搏擊不避  
權貴屢奉勅巡方皆有能名歷官布政使

徐絃字朝文武進人弘治庚戌進士歷陞廣東按察司  
僉事分巡嶺東式陳獻章廬建周敦頤書院築堤扞海  
潮嶺南蠻蜚雜居吏多不檢絃發姦摘伏墨吏望風解  
綬陞雲南按察副使

秦金字國聲無錫人弘治癸丑進士歷官河南叅政行  
部至封邱擊敗流寇累擢巡撫湖廣擒斬劇盜討平郴  
桂及香爐山諸苗嘉靖初爲戶部尚書以爭興獻太后  
上尊號事忤旨罷後起南京戶工二部尚書致仕卒諡  
端敏著有鳳山集

夏從壽字如山江陰人弘治癸丑進士官戶部郎忤劉  
瑾落職瑾誅歷福建布政使減市舶踰制罪以清盜源  
畱歲解羨餘以贍軍食擢撫鄖陽乞致仕歸時同邑高  
貫以進士官浙江副使有剛直稱

陳策字嘉言無錫人弘治癸丑進士守饒州盜據桃源  
洞單騎入巢諭降之以洞阻深僻奏建萬年縣擢福建  
叅政平汀漳盜遷江西左布政宸濠亂後撫綏凋瘵民  
賴以寧

貢安甫字克仁江陰人弘治丙辰進士由知縣擢南御  
史劾壽寧侯張鶴齡怙寵驕恣武宗卽位劉瑾擅政輔  
臣劉健謝遷相繼罷安甫疏爭之瑾怒下獄廷杖斥爲

民瑾誅起山東僉事尋引疾歸

黃昭字明甫江陰人弘治丙辰進士官職方主事拒絕諸璫干請忤劉瑾罷起福建按察副使黃田山寇嘯聚聞昭往皆散去又以計平亂兵昭在正德中與同邑貢安甫史良佐並列黨籍

華景字文光無錫人弘治丙辰進士官戶科給事中未半載疏七上己未會試劾罷考官程敏政調南太僕主簿歷遷四川叅政鎮守內臣以重賂啖景欲市茶西邊以規利峻却不許事遂寢終福建布政有雙梧集

湯沐字新之江陰人弘治丙辰進士由知縣擢御史忤劉瑾謫官起廣東僉事釐剔鹽政諸弊以楊一清薦擢浙江布政平孝豐寇嘉靖初巡撫四川平松潘寇入爲大理卿李福達獄起以奏讞忤旨罷

莊禕字誠之武進人弘治丙辰進士令寶坻外戚中官窟穴爲奸禕悉裁以法邑舊無城禕請築之二旬而畢豕宰倪岳疏禕政績十七條行之天下擢戶部主事出督徐倉發粟賑荒不待奏報以忤劉瑾罷嘉靖初應詔陳江南十事特命所司行之

史良佐字禹臣江陰人弘治己未進士由行人擢南御史正德初與同官共劾劉瑾請畱輔臣劉健謝遷下詔獄廷杖削籍歸後起雲南副使平十八寨叛苗濬治滇池海口漑田千頃滇人德之

劉乾靖江人弘治己未進士官戶部郎以廉明稱屢出督餉薊州民爲立生祠以忤劉瑾再被逮歷南光祿卿請移本寺額辦煮醪於北寺詔從之省費十倍

葛嵩字鍾甫無錫人弘治己未進士由行人擢給事中閱冀州軍儲核貴戚所侵地歸之民武宗初詔核在京諸營衛嵩釐剔無所徇積弊盡革又請出先朝宮人罷田獵誅奄豎忤劉瑾斥罷

徐問字用中武進人弘治壬戌進士守登州盜賊屏跡調臨江築堤七十二所以利民累擢巡撫貴州以平獨山土司蒙鉞功拜兵部右侍郎歷南戶部尚書乞歸卒諡莊裕問清操絕俗敝廬蕭然田不滿百生平學宗紫

陽有讀書劄記山堂萃稿

薛金字子純江陰人弘治壬戌進士官給事中劾劉瑾冒耗內帑謫詹事府主簿後擢廣西僉事平妖人李通保之亂招集岑流諸邑民全活無算有治齋集

承天秀字鍾之靖江人正德丁卯舉人令錢塘織監畢某謀逆天秀勒兵爲備奄不敢發事聞奄伏誅天秀以功擢南陽同知

丁致祥字原德武進人正德戊辰進士授戶部主事監軍儲理鹽課奸弊一清漕舟自江達淮每多阻滯致祥督漕興復儀真舊牐歲省費萬計歷陝西副使撫漢中流民威惠並行

周金字子庚武進人正德戊辰進士官給事中都督馬昂納有姪女弟於後宮金請誅昂而却其女嘉靖中歷撫延綏宣府散遣驕卒之圍帥府者累擢南京戶部尚書致仕卒諡襄敏

毛憲字式之武進人正德辛未進士擢給事中疏斥大臣爲奸者數人武宗西幸力請回鑾不報謝病歸有古菴文集毘陵人品記

顧可久字與新無錫人正德甲戌進士授行人諫武宗南巡下獄廷杖謫國子學正世宗卽位擢戶部郎議禮忤旨復杖闕下歷廣東副使備兵瓊海先是崙黎出劫及可久至皆望風歛附嘗按行諸郡咨詢黎倭出沒之

處相其阨塞險阻而爲之備禦繪成圖說後人遵用輒效爲軍中指南云

蔣同仁字公甫武進人正德甲戌進士官寺正嘉靖初詔按閩獄多平反癸未議大禮伏闕受杖幾斃歷官叅議

周振武進人正德丙子舉人初令餘于再任天台有橋當要道水湍激每造輒圯振禱於神因以石柱砥之橋遂成邑人神之名曰晉陵橋前後爲縣八年俸入悉代貧民輸負至入覲不能具道里費兩縣之民立祠祀之餘于堂下有槐久枯振至復茂人以爲德政所感云楊淮字東川無錫人正德丁丑進士授戶部主事監淮

通二倉除囤基及額外蓆草費罷中官茶果之供監內  
庫奄人例有供餽悉絕之歷郎中以公勤廉慎稱嘉靖  
初切諫與獻帝耐廟再被廷杖卒後贈太常少卿  
惲釜字器之武進人正德辛巳進士知安陸州獻陵更  
制董役中官恣肆御以禮法遷知溫州府人以十善頌  
之郡人張孚敬當國釜同年也惡其剛直不阿調成都  
張袞字補之江陰人正德辛巳進士歷國子監祭酒世  
廟時逮繫議禮諸臣侍郎何孟春員外林惟聰等抗疏  
恠旨袞上疏申救奏罷陝西織造止雲南採辦撤浙江  
內監有水南集江陰縣志

華金字子宜無錫人正德辛巳進士歷天津副使以抗

直忤上官乞致仕歸至戚陸完爲太宰金在都足不及  
其門完敗收其母喪於獄并恤其孤同年張孚敬貴顯  
欲援以共事金峻却之

孫鑾字朝望武進人正德辛巳進士授刑部主事嘗勘  
一獄侍郎某授之意鑾不可出讞楚獄冤抑悉得平反  
守漢中修堰溉田置衛弁之貪墨者於法歷雲南副使  
邊儲素窘鑾括羨賦捐浮費積至萬緡擢太僕卿歸  
華察字子潛無錫人嘉靖丙戌進士居部曹與王慎中  
唐順之輩講習詩古文有名累官侍讀學士掌南翰林  
院嘗奉使朝鮮却國王餽典鄉會試稱得人居鄉築城  
繕學減租助役尤多義舉



唐音字希古武進人嘉靖戊子舉人令雞澤清介自持  
上官下令有不合輒格不行後卒官幾無以殮自部使  
者以下皆賻之子一麟堅辭不受一麟後舉進士官南  
吏部亦以節行著

唐順之字應德武進人嘉靖己丑會試第一選庶吉士  
調兵部主事改編修忤座主張孚敬以吏部主事罷歸  
久之選宮僚起春坊司諫疏請元旦朝東宮復削籍時  
屢有邊警又倭躡江南北以薦起歷兵部郎中出視薊  
鎮邊務條上便宜九事尋視師浙直敗倭有功加右通  
政擢撫淮揚上海防善後九事以勞卒官順之學問該  
洽尤長古文有荆川集又取古今載籍區分部居爲左

右文武稗五編行世崇正時追諡襄文

黃正色字士尚無錫人嘉靖己丑進士合南海邑人霍  
韜座主也其宗人有犯繩以法韜賢之薦擢南京御史  
劾尚書張瓚坐奪俸護視章聖太后梓宮南葬劾同行  
巨璫鮑忠等不法反爲所構下獄榜掠謫戍遼東隆慶  
初起南太僕卿卒祀遼陽三忠祠子學海由進士官贛  
州守清介有父風

張選字舜舉無錫人嘉靖己丑進士蕭山知縣報最擢  
給事中諫郭勛代祭太廟于上怒廷杖八十已斃復甦  
謫爲民居職僅三月建言得罪名動海內隆慶初起通  
政司叅議

薛甲字應登江陰人嘉靖己丑進士官兵科給事中時方士邵元節用事輔臣夏言陰與交通甲四疏指切時事排斥異端因忤言謫官後歷四川兵備僉事

尤魯字懋宗無錫人嘉靖壬辰進士以行人使汴藩歸陳藩臣虐民之害累官工科都給事中劾罷勲臣倖宦鬻權軍伍者五人請節幸御保聖躬蕃皇嗣辨異端擢順天府丞攝尹事奏革占役借馬出巨璫故入死罪十人擒大猾於戚畹宦寺之門

徐材字懋卿江陰人嘉靖丁酉舉人授兗州府推官州有疑獄久不決材至廉得其實遂具獄論如法河決曹縣捍築有功歷遷刑部郎居鄉嘗畫稅法以均官民時

同邑湯明善亦以舉人倅嚴州理冤獄築湖堤遷淮府長史

萬士和字思節宜興人父吉桐廬訓導有學行士和嘉靖辛丑進士選庶吉士授禮部主事出爲湖廣叅政撫納叛苗二十八砦累擢副都御史督南京糧儲奏行便民六事萬曆初拜禮部尚書以剛直忤張居正謝病歸卒諡文恭有履菴集

周慤武進人嘉靖辛丑進士廉潔峭直官登州守除猾捕盜人服其神以憂歸卒貧不克葬御史周如斗爲助其費

尤瑛字汝白無錫人嘉靖甲辰進士畱心韜略手畫九

邊圖著論三十篇官儀制司主事力清藩府之賄出爲  
廣東僉事平劇賊四十餘巢遷江西叅政卒子鏗亦有  
詞學選邛州判官不赴有集數百卷

劉光濟字憲謙江陰人嘉靖甲辰進士累官南兵部尚  
書嘉靖間民苦賦役光濟撫豫時爲一條鞭法奏聞通  
行天下萬曆初在南樞首輔張居正奪情議起或諷其  
具疏請畱堅執不從居正恚嗾御史論罷

金九成字鳴韶武進人嘉靖甲辰進士初令定海銳意  
興革修築捍海堤人號曰金公塘調章邱治行悉如定  
海吏畏民安遷主事卒弟九臯令武康有救荒善政

曹三暘字子泰宜興人嘉靖甲辰進士授大理評事歷

官工部尚書生平精於法律獄詞一經其手情法帖然  
又諳國家典故每遇正務人不能決者徐以片言定之  
子司勳孫應秋並舉進士有文采應秋歷官叅政

秦梁字子成無錫人嘉靖甲辰進士授南昌推官除劇  
盜擢給事中京師築外城被命董役同事宦官侵冒丁  
帑劾罷之歷通政司叅議忤嚴嵩出督浙學諸生鄉試  
中式九十五人而梁所首拔居五十有六屢遷江西布  
政使

邱緯武進人嘉靖丁未進士授侯官令在任四載考績  
爲天下第一擢戶部郎督儲通州移昌平正運弁乾沒  
之罪出守南陽以清勤卒官

汪汝達字志行無錫人嘉靖癸丑進士令黃巖邑瀕海故無城島倭人寇汝達捐俸倡眾築之三月城完及寇再至民恃以固守歷官叅議清操絕俗致仕歸鬻居以食黃巖士民知其貧贖八十金聞於官郵致之適病卒遂以為殮

周子義字以方無錫人嘉靖乙丑進士選庶吉士歷南國子監司業南雍諸生素窳惰不振子義教飭有方輔臣張居正奪情南都九列俱具疏請留子義以正論告祭酒故成均獨無疏居正沒始遷禮部侍郎改吏部生平究心經世之學熟習國家典故及為會典總裁披校尤勤卒諡文恪所集有國朝故實二百卷

胡淳字原荆無錫人嘉靖乙丑進士歷知永豐安福二縣入覲至不能具橐裝擢御史首論大璫馮保銜之會慈慶宮災延燒連房淳請放遣先朝後宮保摘其疏語以激帝怒斥為民同邑華察知其貧以負郭田二頃餉之辭不受自號為民御史放情山水間以卒

施夢龍字伯雨無錫人隆慶戊辰進士知武定州政聲與前守王鑑埒報最擢戶部員外權稅淮西商民感悅遷刑部郎恤刑畿內有明允之稱歷江西副使

吳中行字子道武進人尚寶丞性子隆慶辛未進士選庶吉士授編修首上疏劾張居正奪情事廷杖削籍直聲震天下居正死起故官歷陞掌南翰林院風節尤著

江南通志卷之三  
子亮奕元俱舉進士亮官御史亦以剛直聞終大理少卿奕令龍溪元官湖廣布政皆有聲績季子襄由舉人歷滄州知州以忤巨璫罷

范鳴謙字貞夫江陰人隆慶辛未進士令龍溪擢御史出按真定諸郡郡多貴戚一裁以法浙中兵民相繼告變勅往巡視繆其渠魁反側以安

唐鶴徵字元卿順之子隆慶辛未進士授禮部主事歷南太常少卿計殲妖人劉天緒劾璫毆屬丞正其罪以病免與顧憲成等講學東林以博洽聞年踰八十手不釋卷

施策字懋揚無錫人隆慶辛未進士授禮部主事改南吏部攝考功郎掌計典既核且嚴尋奉使高麗力却餽遺清操上聞擢南太僕卿駐滁陽三年清馬政蘇驛困滁人德之孫元徵由進士歷湖廣福建僉事有平巨寇功元孫熙舉人有文行

秦耀字道明無錫人隆慶辛未進士官給事中多所建白累擢僉都御史出撫南贛平岑岡劇賊擒南雄妖僧自贛移楚歲旱饑疫疏請糴穀行賑全活及收瘞無算有荒政摘要

孫繼臯字以德無錫人萬曆甲戌廷試第一歷官吏部侍郎嘗疏救御史曹學程于獄及諸言官之被譴者佐銓時屢陳選途壅滯之弊以諫孝安太后山陵事忤旨

罷歸繼臯清不近名峻不絕俗獨能持大體

嚴一鵬字化卿無錫人萬曆丁丑進士以母老不謁選越七年始授行人擢御史劾廠監張鯨置之法又劾湖廣稅監陳奉出按山東疏請罷礦稅不報條列稅監陳增贓私二百萬增以憂死巡方三年乃得代歷刑部左侍郎卒

萬象春字仁甫無錫人萬曆丁丑進士選庶吉士改給事中議復建文年號加景帝廟諡酌議藩祿裁內侍止內操前後七十餘疏多見施行歷巡撫山東時倭寇朝鮮登青萊三郡戒嚴象春選兵儲餉東郡恃以無恐疏論礦稅之害忤礦璫引疾歸

吳達可字安節宜興人萬曆丁丑進士由知縣擢御史視鹽長蘆值歲稔繪饑民十四圖上之請賑貸按江西劾稅璫潘相罪還掌河南道佐總憲溫純京察時沈一貫當國達可挺立不阿正人賴之累遷通政使告歸卒子正志由進士官刑曹劾言官之排擊正人者謫宜君典史直聲震一時後歷江西僉事

李應祥字善徵無錫人萬曆丁丑進士知臨海縣海倉險遠委輸者苦之應祥請改折又出帑金市馬以紓牧馬之困叅議陝西調護礦事官私咸便尋調督學卒

侯先春字元甫無錫人萬曆庚辰進士官給事中條列轉漕救荒十五策播州獻俘疏請年十六以下者皆免

死閱視遼陽劾罷大帥之不職者稅監高淮糾斥鎮將  
先春力爭非制帝怒謫官卒後贈太常少卿孫鼎鉉進  
士官戶部主事

袁一驥字季友江陰人萬曆癸未進士官禮部郎請復  
建文年號卽得旨改正累擢閩撫力裁稅瑞高家之橫  
并疏劾其不法卽撤回京閩人歡呼尋乞歸閩人思其  
德立專祠祀之

徐常吉字士彰武進人萬曆癸未進士授中書舍人擢  
南戶科給事中戶科故攝後湖黃冊所入不貲常吉矚  
然不染督學房寰貪墨不法劾斥之外轉浙江僉事未  
任卒

史孟麟字際明宜興人萬曆癸未進士選庶吉士改給  
事中冢宰孫鑰考功郎趙南星掌京察孟麟實左右之  
南星斥亦引疾歸砥礪名節預東林講會起太僕少卿  
挺擊事起疏請立皇太孫以絕覬覦被謫歸後起南禮  
部主事至太僕卿

沈應奎字伯和武進人萬曆乙酉舉人守裕州有惠政  
冢宰孫丕揚過裕不往迎謁孫突入其署見方烙餅炙  
韭因與其食入朝薦其廉擢主事出知汀州稅監高家  
恣橫憚應奎不敢入其境歷南光祿少卿坐黨事削籍  
顧允成字季時憲成弟萬曆丙戌進士時新用鄭貴妃  
允成對策極言內寵羣小之害執政駭且恚置末第會

御史房寰劾南都御史海瑞允成奏寰欺妄詔以出位言事奪冠帶還家久之由教授歷禮部主事三王並封抗疏爭之未幾以劾輔臣謫官乞假歸從兄講學東林先後居官僅六十日後贈光祿少卿有季時大辨小辨偶存二書

安希范字小范無錫人萬曆丙戌進士歷南吏部主事時政府多斥異己希范上言輔臣誤國不忠正人如趙用賢趙南星孫繼等先後被斥忠言如高攀龍反蒙重譴乞嚴諭閣臣無挾私植黨疏入削籍歸與高顧諸賢講學東林天啓初贈光祿少卿

王就學字所敬武進人萬曆丙戌進士授戶部驗糧廳主事申官需索橫恣解戶有累死不得掣批者就學稱引祖制章兩上卒得請著爲令改禮部進員外又調吏部以諫仁聖太后梓宮將發有遣官代送之詔具疏力諫忤旨削籍

龔道立字應昇武進人萬曆丙戌進士初授兵曹有儒帥畏寇求內徙廢帥落職求起用挾重賂以進皆拒而罷斥之出知建寧弭亂卒拊窮黎及入覲鬻家產以資行李歷湖廣按察使乞休歸

薛敷教字以身武進人應旂孫萬曆己丑進士以直言忤閣臣勒回籍起歷國學助教爭三王並封事因申救考功郎趙南星謫光州學正乞養歸垢衣糲食一介不



取家居二十年力持清議鄉人不敢爲非與顧憲成兄弟講學東林卒贈尚寶司丞

周繼昌字文白無錫人萬曆己丑進士由禮部郎出爲湖廣僉事值王師征播召募齎送經畫得宜改命督學以艱去起補山西晉藩素慢士每禁士府第又有巡按欲以私隙殺士繼昌皆力爭得免遷浙江溫處道討平礦賊擢順天府丞未任卒

葉茂才字參之無錫人萬曆己丑進士官南工部主事權稅蕪關課滿輒縱商船不復取稅累擢南太僕卿以建言引歸天啓中擢南工部侍郎致仕凡通籍四十年十九在告與高顧講學東林清介絕俗布衣蔬食終其身

身

陳幼學字志行無錫人萬曆己丑進士知確山中牟二縣有異政擢刑部主事恤刑畿內多所平反出守湖州收大猾三人杖殺之豪強屏息諮訪民情無微不達御史錄其治行三十六事上之於朝歷江西副使歸起太常少卿卒著有禮樂考諸書

張納陞字以登宜興人萬曆己丑進士由刑部主事調禮部時有三王並封之議納陞與同官顧允成等力爭之事得寢趙南星掌內計以執法忤輔臣被斥復疏救甚力謫鄧州判尋乞歸預東林講席闡發精切顧憲成深推重之

江南通志 卷一百四十三  
儲昌祚字立寵宜興人萬曆己丑進士令鄱陽浦城二縣有政績兩邑俱建祠祀之歷四川兵備副使致仕歸居鄉以厚德稱歿後數年邑有民變焚毀巨室廬墓獨相戒勿犯儲氏

顧言字尚實江陰人萬曆壬辰進士令慈谿捐俸遷縣治民不知役抑礦璫定軍變開杜白二湖以興民利歷四川叅政卒時靖江孫同倫出舉人令德化築封廓桑樂二洲石堤百餘里更置石牖以洩豬水民賴之歷官雲南叅政

湯兆京字伯閔宜興人萬曆壬辰進士令豐城擒劇盜報最擢御史劾宮闈之橫論礦稅之害掌河南道主察

典斥去湯賓尹等數人力請福王之國論冢宰趙煥擅權遂奪俸以不得其職告歸居官清正負時望清議倚以爲重卒贈大僕卿

孫慎行字聞斯武進人萬曆乙未廷對第三人授編修累官禮部侍郎署部事合文武諸臣伏闕力請福王之國尋告歸熹宗立召拜禮部尚書論紅丸一案斥輔臣方從哲之罪秦藩由旁支進封賄近倖封四子郡王力爭不得卽引疾歸魏忠賢擅權修三朝要典奪慎行官遣戍寧夏懷宗初起故官召入未及奏對卒諡文介慎行學行醇潔爲一時縉紳冠

陳于廷字孟諤宜興人萬曆乙未進士由知縣擢御史

劾閣臣朱賡當斥視鹺河東劾稅使張忠撓鹽政按江西糾湖口稅闖潘相罪天啓中累擢吏部侍郎攝尚書事以會推冢宰忤魏忠賢斥爲民懷宗初起南京右都御史主察典盡斥諸不肖者召拜左都御史加太子少保復以奏事伉直削籍歸于廷負清望端亮有守同邑周延儒當國一無所附麗

顧應暘字太初無錫人萬曆丁酉舉人由南刑部郎出守思恩地險多盜應暘募人鑿山闢路且計道里設戍守由是行旅無虞又以誠信撫土獠境內以寧遷蒼梧道引疾歸

劉元珍字伯先無錫人萬曆乙未進士授南禮部主事進兵部郎中會京察論劾執政沈一貫比暱僉人罔上不忠謫極邊後起光祿少卿卒於官罷歸與錢一本爲同善會行義重於時

何士晉字武莪宜興人萬曆戊戌進士由推官擢給事中遇事敢言論張差挺擊事疏三上鄭國泰出摺辨再劾之出爲浙江僉事天啓初巡撫廣西敗安南有功擢總督兩廣魏忠賢用事以爭挺擊削籍歸

李守俊字念劬宜興人萬曆辛丑進士歷戶部主事權九江未及期課滿卽放關免稅商人建祠祀之擢廣西布政時海內藩司皆爲魏璫建生祠恥之不赴坐黨高攀龍削籍聽勘崇正時復起湖廣布政卒於官同邑路

江南通志 卷一百一十三  
進以進士守湖州歲饑盜起責成大湖漁舟巨盜成就  
縛歷官布政使

龔三益字仲友武進人萬曆辛丑進士選庶吉士累遷  
侍講奉詔使楚藩王年少而驕閹人導從掖門入三益  
峻責之王慙闕中門見乙卯典試北闈爲忌者所中左  
遷湖廣叅政引疾歸子九疇亦成進士有文名

吳宗達字上于武進人萬曆甲辰廷對第三人授編修  
歷東閣大學士時政尚操切宗達劑量於寬嚴之間裨  
益殊多有言官得罪特旨立決宗達揭救得免又疏爭  
分遣中官監邊鎮軍卒諡文端

周炳謨字仲覲子義子萬曆甲辰進士選庶吉士歷禮

部侍郎纂修光宗實錄載三案事直筆無所阿片魏璫  
有武闈所取士許顯純請介紹於璫厲聲拒之即日告  
歸其黨因劾所纂實錄非實削職炳謨已前卒矣後追

### 諡文簡

華元禔字爾遐無錫人萬曆甲辰進士授新鄭知縣調  
商邱給牛置屯募民助墾稽其積散而賞罰之商俗好  
爲掾史以避役元禔第墾田多者用之以治最擢御史  
鮑際明字伯叅無錫人萬曆甲辰進士授海康令地震  
城圯而欽州以變告際明爲慰撫部署民以無恐調同  
安獎拔寒士再調寧都清郵傳察姦胥時推爲百城表  
錢春字若木武進人一本子萬曆甲辰進士由知縣擢

御史按湖廣劾守備中官又抗疏論首輔方從哲出爲福建叅議後遷光祿卿偕九卿疏糾魏忠賢削籍歸後起通政司累擢戶部尚書督倉儲僭運除漕船壓白糧之弊白糧先漕行自春始尋改南戶部以申救黃道周罷歸

陸大受字凝遠武進人萬曆丁未進士歷戶部郎中疏請減福王莊田劾鄭國泰驕恣亂法又力爭挺擊事出守撫州以清節聞大受身非言官遇事敢言坐京察罷後薦起未用卒

華敦復字雍明無錫人萬曆丁未進士由戶部郎出知嚴州歷遷四川布政使時有議加蜀糧六十萬者以去就力爭得寢預平奢酋牧功受賞

許鼎臣字爾鉉武進人萬曆丁未進士歷光祿丞以忤魏璫歸後起本寺少卿寧武兵叛擢撫山西請蠲租卹貧增餉募士兵民感賴寧武遂平在晉甫十月前後八十餘疏墨吏敗將悉正其罪旋奉命協勦河南流寇爲監璫論罷

陸完學字汝成武進人父南陽以貢授善化令有清名完學舉萬曆丁未進士官浙江僉事歲饑或議減米價完學謂杭不產米減價則商裹足矣越數日商舟四集價果平擢撫浙江海潮壞堤漂沒萬計完學修築海塘始免冲潰之患累官兵部尚書

董應揚字于廷武進人萬曆己酉舉人累官兵部員外以廉能著時京僚有進馬之額應揚貧質束帶及邸舍用物以應里中以孫慎行張瑋與應揚爲三清

莊起元字中孺武進人萬曆庚戌進士歷戶部郎督餉天津籌畫海運省公帑鉅萬大璫崔文昇等督漕監司皆執屬官禮起元獨與抗衡終太僕少卿弟廷臣同年進士歷鄖陽守罷建魏璫生祠以氣節著累遷湖廣布

政

范世正字獻吉靖江人由庚戌副榜令羅田邑介麻黃間豪紳大猾持吏短長又民素刁悍世正爲治嚴明一無縱舍始各斂戢清汰里役令行禁止遷廣平郡丞

繆昌期字當時江陰人萬曆癸丑進士選庶吉士挺擊事起力言主風癩之非授檢討卽移疾歸天啓初起遷左贊善進諭德楊漣劾魏忠賢有言昌期代草疏者忠賢大恚恨遂落職繼入織監李實疏中逮繫追賊拷掠斃於獄後贈詹事諡文貞

毛士龍字伯高宜興人萬曆癸丑進士由推官擢給事中楊漣以譴去抗疏請留內侍劉朝以盜貲下獄論死夤緣魏忠賢得釋士龍嚴劾之諸奄恨刺骨又數忤魏璫再削籍謫戍平陽尋逮治潛匿以免崇正初起用歷僉都御史

周鼎字在調宜興人萬曆癸丑進士授平陽推官歷總

江南通志 卷四十三  
河侍郎加工部尚書明末河決長山泃河塞決策開之  
三月告成次塞決口築遙縷二堤邳州三面距河屢被  
河患請改河羊山外州遂以安

李應昇字仲達江陰人萬曆丙辰進士授南康推官出  
冤民十九人於死撤湖口關稅復白鹿洞書院擢御史  
抗疏糾魏廣徵魏忠賢又代都御史高攀龍草疏劾崔  
呈秀閹黨曹欽程劾應昇遂削籍繼竄入李實疏逮繫  
追賊下獄尋斃之崇正初贈太僕卿諡忠毅子遜之字  
敏公隱居不仕著述甚富

蔣允儀字聞韶宜興人萬曆丙辰進士天啓初由知縣  
擢御史劾張鶴鳴方從哲及王紹徽時魏忠賢擅權因  
冬至上扶陽抑陰疏中旨切責奪俸出按陝西適王紹  
徽秉憲令嗾其門人劾罷之崇正卽位起掌河南道主  
京察貶斥甚多仕路一清歷撫鄖陽

儲顯祚字文曙宜興人萬曆丙辰進士官戶部郎監內  
官儲閣聚而譁撻其首一人天啓初出理延寧糧儲延  
鎮缺餉萬數顯祚便宜調劑軍心以安遷襄陽知府有  
貴戚恣橫悉裁以法不少貸值魏忠賢用事前所撻其  
黨也卽乞歸後復起歷湖南按察使

張瑋字席之武進人萬曆己未進士由戶曹詞職方郎  
中爲廣東提學撫臣爲魏瑞建祠欲瑋撰上梁文自投  
劾歸崇正初起備兵嶺北山寇蹂躪郡邑瑋身冒矢石

江南通志 卷一百一十二  
搜斬無算又傳檄諭賊降之歷遷左副都御史時總憲  
劉宗周僉都御史金光辰與瑋同視事臺中肅然京師  
目爲三清卒諡清惠

張有譽字誰譽江陰人萬曆己未進士授南戶部主事  
權卽關五尺以下舟悉免其稅歷江西糧道天津有警  
以兵法部勒漕艘五千餘退入海口事定抵迪擢四川  
按察使兼攝藩筭癸未大計舉清廉第一累官南戶部  
倉場侍郎

周詩雅字廷吹武進人萬曆己未進士令寶坻革馬戶  
侵占魏璫黨莊客二人倡白蓮教畿輔騷動以計除之  
左遷上林簿歷貴州提學僉事

白貽清字希賢武進人萬曆己未進士授戶部主事備  
兵榆林有水泉三條溝張義堡諸捷歷戶部侍郎督餉  
宣大進尚書總督倉場簡任司屬攬持紀綱得大臣體  
貢修齡字國祺江陰人萬曆己未進士令東陽以治行  
卓異擢刑曹引經斷獄時稱明允出爲浙江叅議督漕  
運盡削陋規歷江西叅政

盧象昇字建斗宜興人天啓壬戌進士知大名府擒劇  
盜馬翩翩遷大名兵備扼守要害屢破流寇尋撫鄖陽  
勦湖南北諸賊殆盡遂總理七省軍務大破李自成於  
汝又擊破諸賊於滁俘斬無算改總督宣大大興屯政  
積穀二十萬會丁外艱候代畿輔告警特命起復督師



入援與本兵楊嗣昌忤孤軍次鉅鹿縣南十里賈莊力  
戰死象昇三賜尚方劍未嘗戮一偏裨愛才恤下畿民  
聞其死皆雨泣贈太子少師兵部尚書諡忠烈又與弟  
象觀再見忠節傳

秦垌字儼海無錫人天啓壬戌進士由知州入爲戶部  
郎管東宮廳節費辭羨以清廉稱巨壻張彝憲督理戶  
工二部屬視諸曹垌不爲屈忤璫告歸

周士登字伯昇武進人天啓乙丑進士歷川東道闖賊  
犯夔州掠夔餉數十萬朝議嚴詰百姓聞之爭先樂輸  
旬日間充舊額仍命監軍四省率兵追寇擒賊首一字  
王普天飛等

劉憲章字端甫武進人崇正丁丑進士官御史巡城行  
保甲法貴戚奸民屏息不敢橫疏救劉宗周張瑋金光  
辰尤著直聲同邑劉呈瑞以進士官御史按京畿不避  
權貴畿輔告警力守通州諸城多潰惟通獨全

趙繼鼎字止安武進人崇正庚辰進士授公安令時新  
徙縣治經畫撫綏甚有條理勢豪猾吏懲治不少貸惠  
藩承奉旗校抵驛取民夫擾甚繼鼎身爲衆夫先詣承  
奉不敢繹騷而去陞兵部主事以父喪歸家居授徒以  
終其身子申喬申季

高世泰字彙旃攀龍從子懷宗時以進士授禮部主事  
歷湖廣提學僉事嚴立教條以理學訓士葺江夏濂溪

書院遴楚士講習其間任滿乞歸與諸同志勤舉講會國朝莊應會字春侯武進人明季以進士司儀曹督學八閩順治初補江西叅政值金聲垣亂以軍功遷右布政入覲疏請汰袁瑞二府浮糧歷陞刑部右侍郎卒弟應詔以恩貢令興寧山賊竊發有守禦功金聲垣叛時將軍譚泰知其才疏授瑞州推官未幾致政歸同邑馮達道字惇五順治丁亥進士授戶部主事應會請汰浮糧疏下同官咸難之達道力爭得報可

呂宮字長音武進人順治丁亥進士廷對第一授祕書院修撰累官弘文院大學士在侍從時請建常平倉爲吏侍肅清銓政薦江東耆舊密勿襄贊持身謹飭請停

江浙白糧以甦民困

楊兆魯字泗生武進人順治丁亥進士授刑曹郎條奏五事皆中時宜提學江西請留餘額生一千八百餘人陞按察建南歸

徐可先字聲服武進人順治丁亥進士除東鹿合有平盜功改任龍泉造石梁五百餘丈以濟行旅禁溺女崇學校民俗一變陞刑部主事歷山東提學告歸

蔣永修字紀友宜興人順治丁亥進士知應山縣勞來有恩鄰境賊起練民兵守禦賊不敢逼舉卓異擢刑科給事中出知貴州平越府清丈苗民虛稅八千有奇擢湖廣提學副使振興文教楚風爲之一變子景祁工文

章

周啓嵩字立五宜興人順治丁亥進士授庶吉士累遷右庶子歷鴻臚少卿歸杜門不干謁邑有大利弊則身任之止宜邑添兵駐防之議陳版荒逋糧均派之失皆有造於桑梓

劉疇字江舟靖江人順治丁亥進士知建安縣建爲山賊窟穴大兵進勦饋餉調運籌畫得宜事平招流亡貸脅從建民德之

薛信辰字侯執無錫人順治己丑進士授潮州知府發守將郝尚久姦謀未幾尚久叛縛信辰將害之百姓環泣請命乃繫獄家屬投井死者五人大兵平潮信辰始

得釋尋備兵井陘時議圈地授旗人信辰調劑兵民咸感悅歷陞浙江布政使

顧煜字銘柏無錫人順治己丑進士宰象山仁儉自勵練兵却寇履畝平徭設觀瀾社集諸生講課邑號大治以失上官意罷歸

儲曾字觀我宜興人順治己丑進士知永豐縣豐多盜曾擒其渠魁誅之餘悉解散兵有奪民財者寘諸獄其黨持提標僞檄計挾以適曾并繫之自是驕兵斂迹脫明忠臣魏冕後裔戍伍籍以征糧不及額免歸越一年奉檄仍詣豐民爭先輸納逋額竟清子振康熙丁未進士右春坊右庶子居官恪慎倫康熙壬戌進士授臨川

知縣亦廉靜有守

周季琬字文夏鼎子與兄仲球同登順治壬辰進士由庶吉士改御史疏陳江南漕政之敝康熙初請躬承七鬯疏入畱中明春季琬卒前疏忽奉

聖祖俞旨予馳驛歸葬

岳鍾淑字天濤武進人順治壬辰進士合錢塘改閩縣皆有惠政擢吏部主事陞員外門無私謁退食焚香讀書而已

路遴字子將宜與人順治壬辰進士官刑部郎多所平反條議革九鎖柙牀遷永平守築石堤數百丈以捍灤河水災鋤強暴護善良在郡三年治行稱最

秦鉞字克繩無錫人順治乙未會試第一廷對第三人授編修出爲廣東叅議備兵杭嚴有告無爲邪教者其教戒飲酒食肉鉞卽於堂下各食以酒肉散遣之按察江西有叛人久未獲所司得姓名相似者鍛鍊誣服鉞訊釋之賊亦旋獲後遷湖廣糧儲道告歸

徐元琪字輯五武進人順治乙未進士爲刑曹郎出分巡建寧弭山藪窟穴之姦移守口北撫定邊民之避調發者陞太常卿議兩郊配位及釐正北海祀所皆傳經義歷遷左副都御史子永寧字坤載康熙辛酉舉人任大理寺評事能於其職居鄉稱長者

許之漸字青嶼武進人順治乙未進士任戶部主事考

授監察御史稱敢言救科臣楊雍建叅革義王孫可望  
懲莊頭劉七皆著風采旋巡視陝西茶馬歸

張偉字漢公順治丁酉武舉康熙甲寅滇黔叛條陳十  
事於軍門督撫薦授靖遠監督同知擢知延安府十三  
載綏輯兵民陞副使道卒於官

華亦祥字纘長無錫人順治己亥進士第二人授編修  
遷侍讀居家孝友周宗黨之急同邑有繫逮入都者多  
委頓道路亦祥爲護卹之各得保全

楊大鯤字陶雲武進人廷鑑子順治己亥進士授庶吉  
士爲姻戚所累謫新建丞大臣薦邊才擢九江同知有  
軍功歷陞貴西分巡道入覲請裁併黔西諸府隨擢按

察山東卒於官

岳宏譽字聲國順治辛丑進士任山西靈邱令丁艱起  
補獲鹿邑多桀猾莊頭星布宏譽一以法繩之舉卓異  
授兵部主事轉刑部郎陞湖廣提學僉事有公明稱

湯自超字軼人武進人以歲貢令桂東修城建倉積荒  
之後賑卹災黎全活甚衆內陞中書告歸

許毓芳字尹吉康熙壬子副榜令任邱巡撫李光地薦  
其政績擢知邠州改北通州築隄百二十里以捍水患  
覈旗莊之占民產者居鄉好行其德三黨待以舉火者  
常數十家而自奉清約如寒士

任弘嘉字葵尊宜興人父繩隗順治丁酉舉人有逸才

弘嘉康熙丙辰進士授行人擢御史至左通政遇事敢言請升程朱配享廣鄉舉額裁冗員禁夤夜之勾較編丈之批駁皆有益風教

周清原字雅楫武進人舉博學宏辭授翰林院檢討歷官副都御史疏請革鋪舍飭刑具又請直省俱立育嬰堂收養棄孩俱得

旨允行

聖祖嘗稱爲孝子

御書孝經賜之遷工部右侍郎卒

蔡鵬江陰人年十五補邑諸生父與邑豪劉某相讐令袒豪置鵬父於理鵬走京師直父冤以是知名參安親

王幕從征吳三桂有功授長沙令三桂以僞劄招之鵬告王馘其使招集流民給牛種墾荒蕪民有起色以上官不悅罷歸

陶自悅字心兌武進人康熙戊辰進士知荷氏縣減耗羨歲二千餘兩陞澤州知州捕鹽梟李某寘之法却商人規例減鹽價什之四奉

京力陳衰狀歸里研精宋五子書教人坐立飲食皆有法則

朱廷鉉字玉汝江陰人康熙戊辰進士授淳化令會歲歉民饑廷鉉覈實詳報上官遲之乃按戶給帑一兩隨以擅給自劾不問擢御史歷大理寺少卿告歸

趙申季字行瞻康熙丁丑進士任遷江令邑素多科派  
申季一切革之輯獐蠻劫掠者禁豪強放穀漁民舉卓  
異改授翰林院編修督學山東廉慎自矢評騭試卷不  
假手幕客以勞卒官

陳聶恒字會起武進人康熙庚辰進士授荔浦令邑多  
獐狃姦民挾以煽亂聶恒單騎抵其巢諸酋羅拜因諭  
以禍福令返荔民之居獐穴者又補長寧興學造士文  
風一變治最授刑部主事改翰林院檢討未幾卒

陳大經字筠操無錫人由監生授寧津令門無鬪人投  
訟牒者入燕寢訴其情被訟者亦然曲直立剖催科不  
用鞭撲亦無逋者農時民告貸於官則應之秋償不責

息病者爲診脈予之藥鮮不效嘗有大役鄰邑部送役  
夫千人至縣期尚緩餼糧將盡大經盡散遣還與約某  
日至衆感之及期畢集

章耿光字子覲江陰人康熙丙午舉人居鄉以孝友聞  
任徽州府學教授割俸修葺學宮以爲諸士倡嘗請於  
上官設天都書院及義學四所以教士子山賊竊發文  
武官有倉皇引避者耿光獨曰吾雖無城守責亦  
朝廷官也當効死於此聞者壯氣





